

大同府志

大同府志卷之三十一

大同府知府吳輔宏纂輯

藝文

五言律

唐
度東陁嶺

武元衡

又過鴈門北不勝南客悲三邊上巖見雙淚望鄉垂暮角
雲中戍殘陽天際旗更看飛白羽朔馬在封陁

塞上逢盧仝

劉 乂

直到桑乾北逢君夜不眠上樓腰脚健懷土眼睛穿斗柄
寒垂地河流凍徹天羈魂泣相向何事有詩篇

大同府志

卷之三十一

藝文

一

別家後次飛狐西卽事

馬 戴

遠歸從此別親愛失天涯去國頻迴首方秋不在家鳴蛩
聞塞路冷鴈背龍沙西次桑乾曲洲中見荻花

雲朔逢山友

張 蠡

會面却生疑居然似夢歸塞深行客少家遠識人稀戰馬
依山牧驚禽曳箭飛將軍雖異禮難便脫麻衣

代北言懷

喻坦之

困馬榆關北那堪落景催路行沙不絕風與雪兼來草得
春猶白鴻侵夏始迴行人莫遠入戍角有餘哀

登單于臺

李士元

悔上層樓望翻成極呂愁路沿蔥嶺去河背玉關流馬散
眠沙磧兵閑倚戍樓殘陽三會角吹白旅人頭

宋 李牧

司馬光

椎牛饗壯士拔距養奇才塞馬方驚避秦金已闔來旌旗
移幕府荆棘蔓叢臺部曲依稀在猶能話郭開

金 送張安中還雲中

孫 益

相送還相送臨分手重分驂驪欣得路鴻鴈惜離羣木落
黃華露城低紫塞雲中秋月正好千里謾思君

贈雲中劉巨濟

師 拓

雲廓乾坤迥霜催草樹殘風聲秋晚急月色夜深寒綠綺

大同府志

卷之三十一

藝文

二

音誰會青霄氣自干那知燕市裏把酒得交驩

應州廟學釋奠

曹之謙

夜色齋廚肅秋風殿宇清右文逢聖代備禮引諸生牢醴
嚴三獻豆籩陳兩楹祭餘同飲福旭日樹頭明

元 過雲中

李俊民

把酒不成醉出門行路難客愁千里破歸夢五更殘三仕
有何喜一生常鮮歡恨無南去鴈爲我報平安

明 早發興和

金幼孜

禾曉戒嚴程鳴弓度塞城川雲隨地起野火雜星明虎旅
笳動鑾旗傍蹕行草青沙路軟渾覺馬蹄輕

雲中九月八日同張年兄宇川登高 韓邦靖
佳節來朝是邊寒花未開愁心看極塞鄉思上高臺對酒
霜笳咽當歌白鴈來天涯難會面風雨復相催

過鎗風嶺

黎民表

沙泥岫兩坳細路轉堪憎去馬衝風色征衣掛石棱疲兵
時偃臥古堠更陵乘賴有銷愁地雲中岳色層

宿瑞雲寺三首

王濬初

樹挂天邊月池涵水底星孤燈懸石壁一客臥虛庭根器
誰能悟皈依佛有靈朝來聞梵唄記是法華經

斗絕登危巘雲開現化城幽棲憐地僻小憩覺塵輕樹影

大同府志

卷之三十一

藝文

三

千章密茶烟一縷清虛堂僧入定萬籟寂無聲

秋色歸何處招提迥出塵梵雲天際杳花雨望中新說法
逢開士談詩有悟人前生愧摩詰錯認宰官身

病中登恒岳

前人

病裏籃輿出山行路渺茫雨餘溪水漲風過埜雲涼殿迥
青霄近林深碧漢長朝眞壇上月空翠落天香

夜宿會仙府

前人

縹緲神仙宅何年集上眞星辰畱劍佩霞彩象冠紳洞月
窺人老山花對客新孱夫惟急病丹鼎問頻頻

塞上吟二首

翟鵬

落落關山曉蕭蕭朔漠秋大軍閑虎隊元帥擁貂裘雲塞
寒初動冰河咽不流沙場雄萬里殊勝酒泉遊
五原人未回傳在黑山隈鴈自龍堆過軍從 峪來蒙恬
多將畧魏尚有邊才古昔垂芳烈予懷亦壯哉

塞上喜秋稔

前人

雷嶂稱天險霓旌滿路光驛通三晉遠城鎖五原長雞田
飛雪冷燕麥引風香邊事封初定家家泛羽觴
山川圍塞上鼓角出雲中歲練軍皆壯秋成穀自豐征人
頻醉月戍馬漫嘶風秋徼餘康阜滹沱作釣翁

尋獨覺廢寺

劉餘澤

大同府志

卷之三十一

藝文

四

披草問招提荒荒日欲西豈緣成獨覺應是度羣迷殿圯
餘碑蘚僧貧共野壘人天從證果去馬意悽悽

登恒山

汪承爵

雲中天下脊尤見此山尊八水俱南匯羣峯盡北蹲僊臺
臨日迴風窟護雲屯剩有搜奇興空憐前路昏

望懸空寺

前人

剝石成香地憑虛結構工梵宮依碧巘棧閣俯丹楓濤壯
磁甃雨僧寒谷口風躋攀真不易遙望意無窮

新平

魏大本

旗掩黃雲暗弓彎白日斜健兒鳴社鼓穉子奏霜笳野味

榆生肉盤飡蕨吐芽尊前歌出塞豪興滿龍沙

瓦窯溝

前人

匹馬雲中路經旬迄未停空山人不住險道客偏經雪點
蒼崖白冰凝赤磧青天寒風刺面何處覓郵亭

仲秋坐崇國禪寺

郭子直

蒼茫關外路秋半已寒生樹樹見霜色山山聞水聲數家
茅結市一旅石爲營向晚霜笳起偏驚逐客情

過桑乾有感

前人

晚度桑乾水偏令百感生一官慚禮樂萬里客幽并木落
聞霜笛雲開見戍城不須愁出塞熄燧罷鳴鉦

大同府志

卷之三十一

藝文

五

許村古寺阻雨

楊述程

曉行山下路風雨忽蕭疎幸有空王寺堪畱勝客車水侵
苔徑滑雲去草堂虛入定僧無語禪機似告予

國朝

晚行過白登

魏象樞

泛泛征車暮搖搖北鴈過沙吹邊草急樓鎖戍雲多好夢
歸楊柳鄉心隱薜蘿千年遺漢蹟一夜轉悲歌

綉女村

前人

若箇春閨艷孤邨得命名人家春樹杪石路晚山平凍水
攀雲宿荒苗背雪生饒多兒女態兀坐不勝情

將次山陰墮馬傷足張明府施大枉顧逆旅餉酒賦

謝二首

朱彝尊

可怪乘船客今朝墮馬來半人宣武笑長路步兵哀地主
逢傾蓋天涯獨愛才淹畱憐逆旅相餉竹根杯
果見軒車至倉黃啟夕扉亦知寬禮數強起著裳衣涕淚
餘生在形容此日非遐方堅臥轍猶得藉光輝

雲中客舍曹武備自津門以筐蟹銀魚見寄賦謝二

首

前人

千里三沽使傾筐異味傳霜螯初入手臘月更須憐重馬
愁關吏香杭憶野田江鄉好風物罷酒數歸年

水族殊鄉至明燈夜不孤雪花寒意減玉盃近看無反厭

大同府志

卷之三十一

藝文

六

流匙滑宜將剩酒沽遙憐垂釣客白首向江湖

食半翅

前人

味合添雛筍羹宜配凍醪登盤人未識入肆價須高且緩
思鴉炙全勝食雉膏莫愁嘗易盡應爲戒貪饕

白登遺蹟

徐化溥

平城事已矣霸跡總蕭條落日平沙淺西風古木搖共知
孤注險漫道六奇高千古青山舊長歌破寂寥

覺山井

前人

四面供寒翠一湫湧地靈何來僧錫杖誰止月澄渟素石
涵秋鑑碧欄映太清此山名覺者一汲悟常惺

銀釵嶺

前人

可憐經過處不比脫簪行
妖冶偏多態委佗
故墮粧翠鈿
朝露冷細草暮雲黃
莫訝埋香徑
蘭膏已作荒

秋暮擬送別馮訥生暫歸鴈門二首 前人

澹爾騷壇外居然古典刑
不矜學是海非以說爲鈴
愛靜茶烟綠讀書藜杖青
汾河當日業歸且證元經

我將香一瓣誰與古爲徒
子佩尊高喆先生欲大巫
笑言崇矩獲衣履薄紈繡
芸閣虛窻月冲然道自腴

題張氏所鑿石渠 前人

一水巨靈搯五丁擘劃流
揮鞭驅石馬環甲挽金牛
莎濕

大同府志

卷之三十一

藝文

七

林臯茂瓪高灌溉優開渠
千載利奕世食先疇

望雲門山 丁大年

浮空開野望冉冉山之眉
鬢重青螺杳風高石燕遲
吳門曳遠練楚嶠媚幽姿
莫笑山容野朝朝著接籬

喜雨侍佟制府集飲北臺二首 胡文燦

雨意餘堪賞登臺望野塿
芊眠原上草五兩隴頭風
共樂偕髦士先憂切范公
高枝布穀唱佐酒話年豐

鬢黷千峯潤蒙茸四野青
新鶯啼晚樹好鳥澤疏翎
載道民歌渥興言信祝零
酒籌聊一借不厭子蘇亭

遊石窟寺 前人

西林天竺跡春日上方遊片石三千界微塵四部洲香花
金粟現鐘磬白雲悠法海知能渡何緣彼岸舟

遊石窟寺和韻

陳禹謨

靈巖第一境夙願幾多遊莖草黃金剝層雲白鷺洲雨翻
花石動月印海波悠億萬恒河筏婆心渡鐵舟

胡郡伯修尊經閣成恭賦

潘斗

一振疑千仞凭欄四望賒千螺浮碧岫百雉引丹霞象接
圖書府藜分太乙葩魯侯時戾止芹藻盼光華

遊華嚴寺

馮雲驤

散步入招提茸茸碧草齊初春寒未減舊雪踏成泥河抱

大同府志

卷之三十一

藝文

八

龍沙曲山銜雉堞低梵聲聽未已殘日下林西

登應州佛宮寺塔三首

前人

古木層層起嵯峨亦壯哉登臨望不極千里白雲來風雨
遊遐塞松杉結古臺題詩霄漢上彩筆倚徘徊

天若簷前出人同象外過川光迎旭散秋色傍城多獨立
增幽感奇懷發浩歌年來憑弔意今古復如何

玉磴朱輪直銀沙碧漢斜星宮聞夜梵月殿拂仙華塞堞
千年曲恒山一點遐舊遊如可望蓬島是吾家

雲中雜詩

俞汝言

蘇武臺安在昭君墓若何垣非秦紫塞堡近古黃河邊靖

笳吟少鋒銷牧地多當時歌舞麗檀板雜瑠戈

大同道中

沈用濟

千嶺朝陰嶽三城控大同雲形隨列嶂山響應瑠弓馬踏
黃河雪鷹呼白草風飛狐那用塞天險古來通

趙武靈王墓

何士震

霸業今安在蒼涼未忍看夙傳馳射獵豈是葬衣冠血食
叢臺古陵泉漉水寒一坏秋草沒昔與植雙桓

圪坨峪卽景同桂刺史作

顧學潮

不辨東西路行行又一村黍頭低雨氣山意澹秋痕曹子
千金帚莊生五石樽連鑣歸去晚好共月黃昏

大同府志

卷之三十一

藝文

九

次顧明府卽景韻

桂敬順

繞澗諸峯合空明見遠村風寒秋樹影日澹午烟痕薄宦
仍如客懽逢且倒樽皇華歌晚晚歸路集鴉昏

登渾源城樓

朱大章

何處寫離愁孤城獨上樓堞明千嶺雪檐壓九邊秋代馬
奔騰健關雲日夜浮從來名勝地渾水自西流

金閭官舍話雲中

高麟瑞

故關臨故國直北古雲州恒嶽千峯障桑乾一水流碑多
唐歲月山有魏陵邱若訪明妃跡年年青草愁

行次山陰口占

前人

行行陰館次風過捲黃沙烟暖鹽增竈春寒雪散花羽書
勤馬策征賦輓牛車惆悵桑乾水東流日影斜

送郎地山學博之任大同

王奇士

千里一儒官恒州路復難隆冬馳朔漠落日渡桑乾絕塞
行人少雄關立馬看春風函丈起邊地不知寒

龍泉關

吳麟

不到恒山頂安知別洞天叢祠仙樹合怪石古藤穿鐘度
一溪月龍噓雙井泉酌來忘世味渾欲臥蒼烟

東關華嚴寺

前人

偶入招提境香臺縱目餘平林低結翠飛閣迥凌虛白社

大同府志

卷之三十一

藝文

十

仍攜酒黃庭好注書老僧無箇事綠野帶雲鋤

縣齋春暇援琴而操之謾成一律 前人

獨坐西軒下悠然景色清心閒諸籟寂花午一琴橫敢謂
絃歌化聊怡山水情忘機春晝永檐鳥弄新晴

恒山十八景

張開東

不知恒岳在一徑杳冥冥滌水翻元谷磁峯鎖翠屏人依
雲作履路轉石爲扃恍恍殊難測行行且復停

步雲路

孤亭不可識空翠落寒聲雪磴風微掃冰橋水暗鳴山危

緣石瘦樹老倚雲橫十里肩輿望崎嶇尙未平

翠雪亭

峭壁如屏幃懸空不著根峽迴雲臥榻天迴月窺門佛影

浮苔色鐘聲落水痕山僧眞自在空外老祇園

懸空寺

山腰平敞處却指望仙臺紫氣眉間出青雲足下來空堂
常窈窕幽徑且徘徊從此升蓬島飄然更不回

望仙臺

誰來聞虎嘯到此却驚風澗唳千年鶴巖懸百丈虹孤松
無地立絕壑與天通不用肩輿力憑空指上宮

虎風口

竟入孤菴裏嶽崎未可攀纔能窺嶽頂已自隔塵寰棘苑
圍蒼樹苔階點翠斑人傳魏道士去此不知還

得一菴

拄杖看東嶺迢迢挂夕陽崖虛含五色落帶餘光倒影
銜懸壁歸雲落下方不知人世內烟水已茫茫

夕陽巖

紫霞飛不盡何處覓元君泉漱明珠佩風飄白練裙芳祠

大同府志

卷之三十一

藝文

十一

畱皓月古殿宿寒雲日夕鳴鐘磬依稀洞裏聞

紫霞洞

滉瀆涵空碧虛亭有二泉屈伸元帝令甘苦道人傳屯澤
非關嶽爲霖亦在淵至今觀井檻颯颯起雲烟

元武井

雲去堂仍白雲來山復青山雲無定態堂壁總空靈棧結
盤成徑巖穿罅照庭洞宮棲息靜萬籟一虛聽

白雲堂

灑灑通元氣乾坤奠此宮地凝千歲雪天散九霄風正位
陰陽合移封造化同 聖朝釐祀典赫奕仰無窮

元靈宮

北嶽東巖頂石脂五色圖草烟分錯落松蔭雜虛無晚日
光搖炫春花錦砌鋪襄陽笑米芾拜倒不須扶

石脂圖

振裏千仞上茲臺亦有名風牽衣袖入雲觸杖頭行仙洞

層巒迥恒河一帶明憑高吟眺罷謾謾無松聲

振衣臺

聞道紫芝好長鑱試往尋氣占林壑外香出水雲深老樹
盤根雪空山落葉陰神英十九種爭說到於今

紫芝峪

恒山張果老唐賜號通元入峪人空去騎驢跡杳然白頭
終有日丹鼎是何年我欲乘槎望逍遙列上仙

通元峪

碁局尋常見琴音却杳無清風松引和素月鶴來呼二女
容何妙孤桐韻欲枯爲憐山下客碌碌老塵途

琴碁臺

仙座臨無地天峯獨自尊空心懸海島遠脉落崑崙八洞
爭先赴羣鸞喜共屯重霄笙鶴會峭壁待吾捫

集仙洞

華嶽青蓮語恒山太白祠相隨俱有跡那得竟無詩八極

大同府志

卷之三十一

藝文

十一

眞神表千秋豈夢思殘碑銷滅盡應有再來時

太白祠

宿聚落驛

前人

月暗山光寂天寒樹色遙疲車鳴石礧倦馬踏冰橋戍火
燈迎戶壚烟酒滿瓢官亭俱有備晚興倍清饒

宿山陰城

前人

廣武東來路平原夕照明雲中聞數鴈天外見孤城客倦
風初定官閒酒易傾最憐圓月好相伴有餘情

過懸空寺

鄧贊清

削壁成初地孤高綴半山風寒谷口樹雨暗磁窑灣月窟
樓三面雲根殿數間匆匆策馬去輸却老僧閒

曲迴寺和賈之鳳碑原韻

鄧克邵

溪繞曲迴寺山陰入殿斜秋光凝白露日色映紅霞雲外
看飛錫堂前聽法華桃源迷舊路携手問僧家

偕傅竹猗明府之官應州寓淨土寺四首楊謨

僧舍爲官廨堦除草不刪無多退食地不住叩扉關嬌鳥
愜幽意長松足古斑月明鐘定後萬籟與俱閒

問俗勤耕稼田疇不種花城中多佛寺郊外少人家僧老
頻扶杖官清早放衙我來仍是客蕭散思無涯

高閣藏經處莊嚴象教雄佛言無著是師說萬緣空時發
松間磬俄聞響後桐清音兩不雜金碧耀瞳矐

大同府志

卷之三十一

藝文

十三

淨土何年建流傳幾劫灰曇花空講座貝葉失經臺乍可
仙鳧憩奚曾蓮社開只應方外侶棲息白雲隈

題口泉圖

朱建豐

課馴過山家招邀玩物華泉飛風撲絮花暖樹韜霞愛好
從携酒眞堪細品茶耽幽歸騎晚新月印汀沙

旅懷

俞治

浪跡同萍梗翻添出塞悲舊欽蘇武節重讀李陵碑白鴈
傳書迥霜笳入夢遲旅懷正無賴莫唱鷓鴣詞

黃烈婦祠

前人

一劍青衣血千秋烈婦名心懸秋月皎節凜曉霜清正氣

留臧獲泰山重死生至今風雨夜遺恨欲吞聲

雲中道上

文光

奉命雲中守 恩深未易酬兒童竹爲馬父老杖扶鳩
游牧皆安堵擺邊罷戍樓自慙循吏政不敢戀遨頭

桑乾渡

前人

源發金龍水支流匯七泉荒雲迷渡口落葉滿晴川影寫
長天碧秋澄素月圓願言勤疏濬留利灌民田

七言律

唐 塞上

黃滔

塞門關外日光微角吹單于鴈駐飛衝水路從冰解斷踰

大同府志

卷之三十一

藝文

十四

城人到月明歸燕山臘雪銷金甲秦苑秋風脆錦衣欲弔
昭君倍惆悵漢家甥舅竟相違

贈別前蔚州契苾使君

李商隱

何年部落到陰陵奕世勤王國史稱夜掩牙旗千帳雪朝
飛羽騎一河冰兒童襁負來青塚士女壺漿出白登日晚
鷓鴣泉畔獵路人遙識郢都鷹

金 遊龍山

章宗

嵯峨雲影幾千重高出塵寰迴不同金色界中兜率境碧
蓮花裏梵王宮鶴驚秋露三更月虎嘯疏林萬壑風試拂
花箋爲覓句詩成自適任非功

過渾源畱別田仲祥同知節使

朱自牧

金臺前夢杳無蹤一阻雲山莫計重雙鯉附書常不達兩
萍浮海偶相逢燕南落日車分轍代北春風酒滿鍾明日
去畱牽世務燈前談笑且從容

過應州

元好問

平野風埃接戍樓邊城三月似窮秋人家土屋纔容膝驛
路旂車不斷頭隨俗未甘嘗馬湏敵寒直欲御羊裘十年
紫禁烟花繞此日雲山是應州

寄鄉中故人

曹之謙

十年夢繞故山薇世事悠悠與願違華表未成遼鶴語青

大同府志

卷之三十一

藝文

十五

冥空羨塞鴻歸雲橫北嶺迷鄉眼塵滿西風浣客衣爲報
吾州舊親識短書相慰莫令稀

上韓應州

前人

天挺英雄入穀中堂堂自有古人風飛機力贊興龍業唾
手能收汗馬功四海威名方共仰一時才武更誰同潁川
不是畱黃霸行拜中書作相公

元
後唐明宗廟

徐世隆

嶽陵當日拯殘唐五季之間號小康因獸害田秋罷獵爲
民求主夜焚香八年功德丹青在千古明靈祭祀長欲識
此邦遺愛事廟槐人敬似甘棠

興和道中

張養浩

底事勞勞形與神道途鞍馬動經旬烟橫絕澗疑無地風
響深林似有人早發舉鞭揮霧露夜行翹首認星辰何時
却逐桑榆晚愛殺坡仙此語真

初出雲中

李溥光

吟鞭驢背穩如舟乍出囂塵眼界幽宿雨洗開千里嶂晴
雲捲出一天秋白鷗黃犢渾相識綠水青山憶舊遊莫訝
旅懷還更好道人心上本無憂

明
雲中卽事

于謙

目擊煙沙草帶霜天寒歲暮景蒼茫炕頭熾炭燒黃鼠馬
上彎弓射白狼百二連營秦壁壘五原封鎖漢封疆邊陲
無事風塵淨坐聽笳聲送夕陽

雲中中秋感懷

郭登

南極烽煙又遠征衣冠今夕會邊城千家落日傷秋色萬
里歸心對月明舞鏡彩鸞雲渺渺隔簾霜兔杵丁丁九霄
風露涼如許欲挽天河洗甲兵

題元魏永固陵

年富

雲中北顧是方山永固名陵閼夜關淑魄已消黃壤下荒
墳猶在翠微間春深巖畔花爭放秋盡祠前草自斑欲弔
當年何處問古碑零落水潺湲

登鎮樓二首

前人

昔年曾此一登臨今日重來感慨深雲樹每遮南望目關
山空老濟時心遙知鴈字傳蘇信未許商巖起傅霖欲脫
豸冠賦歸去清風明月五絃琴

樓頭凝望思悽然蓬鬢蕭疎六十年山勢北來雲渺渺水
聲東去草芊芊寒鴉散亂斜陽外荒塚高低古道邊慰我
愁腸裴太監盃盤羅列酒如泉

寄都憲年公節鎮雲中四首

何棟

北塞風高百草秋嚴威萬里擁貔貅陣前親賈諸軍勇幄
內密傳衆將籌笑洗燕然重勒石喜看部曲盡封侯功成

大同府志

卷之三十一

藝文

十七

不鑄黃金像願學鴟夷海上遊

闡外親專節制權擬將忠烈鎮雄邊子儀威令兼諸道充
國軍行保萬全仗劍曉霜光欲耀抱弓秋月影初弦功成
捷奏明光殿麟閣勲名照後先

凌晨伐鼓壁門開授鉞專征海嶽摧喜見戈鋌明日月驚
聞號令起風雷陣圖乍變龍蛇勢將佐仍兼霍衛才裘帶
風清鈴閣迥黃金不負早登臺

軍門初起聲如雷諸將堦前聽令迴裴度已收朝野望孔
明原是伯王才長驅萬馬嚴邊壘坐擁雙旌上將臺欲擬
封侯三萬戶時彈寶劍看三台

鎮樓秋望

王越

瑟瑟西風吹雨晴可憐佳節在邊城百年人有幾時健一
歲月惟今夜明撫劍不堪傷往事舉杯空自惜離情君恩
未報頭先白贏得轅門說老成

登鎮城西北樓二首

前人

彩雲飛過幾層簷樓上人呼酒再添半壁夕陽紅影瘦一
鈎山色翠眉纖我非能畫王摩詰誰是先憂范仲淹遙想
滕王舊時閣瀟瀟暮雨捲珠簾

天邊星斗落西簷醉倚層樓逸興添邊鴈叫開雲漠漠塞
笳吹斷雨纖纖黑貂寂莫風塵老紫綬淒涼歲月淹千古

大同府志

卷之三十一

藝文

十八

魏陵荒齋合夕陽行色映珠簾

籌邊亭爲韓都憲賦

邱濬

叢栢中間數仞亭海雲山月總關情三干部下春申客十
萬胸中老范兵談笑已看勛業就指麾能使鬼神驚先憂
後樂生平事早向凌雲書姓名

登大同城樓

喬宇

東南山勢遶皇都西北樓高眺望孤荒磧平沙連塞遠片
雲寒鴈人空無長城萬里卑秦築文德千年仰舜敷今日
北門誰鎖鑰受降城外盡輿圖

送胡良弼太守還雲中

劉龍

屈指元州十五春曾 公署挹芳塵一燈深夜花頻落兩
屐新晴草未勻此日潁川堪入傳當時工部已驚人莫辭
更踏關山月會有徵 下紫宸

出使雲中作

李夢陽

黃河水遶古邊牆河上秋風鴈幾行客子過壕追野馬將
軍韜箭射山狼黃塵古渡迷飛輓白月橫空冷戰場聞道
朔方多勇畧只今誰是郭汾陽

謁北嶽廟

王世貞

祠壇縹緲遏雲孤肸鬩英靈颯有無象應星辰天北極氣
蟠龍虎帝神都羞從禪代論金檢喜向侯邦乞寶符混闢

大同府志

卷之三十一

藝文

十九

將何酬聖主紫芝歲歲慶神輸

送周郎中守大同

前人

誰言春色邊城晚星使乘春颺畫熊爲問馮唐淹省署何
如魏尚守雲中嚴城月靜千烽出嘯閣風迴萬馬空保障
自來勤遠畧不須長劔掃崆峒

望雲中塞

謝榛

幾年欲向塞門遊 渡桑乾重旅愁畫角悲涼孤館夜黃
榆搖落九邊秋壯 未擲班生筆浪迹堪憐季子裘回首
江湖任鷗鳥漫嗟 髮滯燕州

香山瑞雲寺

客共坐樹下幽禽鳴其上聽而悅之

竟不知其何 也爲詩一章 王家屏

徙倚松陰暫避蒸 幽鳥隔林聲風停高樹喧逾靜響
落空山淒復清客坐 聞如有意僧家慣見不知名綠窻
鸚鵡應慚汝學得能 悞此生

春盡登香山 前人

香山兩度見春歸著屐登臨興不違石徑穿雲苔正滑林
巒著雨蕨初肥翻思歲月驚時變俯瞰塵寰慨俗非直欲
臨風披絕巘輕身高駕彩虹飛

和魏見泉化悲嚴作 前人

泉石夙嬰宏景癖塵紛未謝尚平緣却拚家去元都近可
卜世求大道專紫塞年來銷戍火丹崖高處隔人烟藏修
賸有雲霞窟耻乞于公買宅錢

咏青凉山二首 郭子直

青凉山對射堂開幾欲臨流問渡杯祇是陽城勤撫字非
緣孟尉不追陪盟虛鸞鶴慚逋客望入烟雲護梵臺雪勒
春寒花事晚只今猶及看花來
倚山臺殿景偏幽風日宜人自可畱顧我獨慚黃綬尉與
君同醉碧霞樓萬家春樹和烟綠一曲陽河抱郡流立馬
城東重分手仲宣何以答荊州

登恒山二首 王濬初

崔巍直與太清齊翻覺星河影漸低呼吸應知通帝座登
臨總不藉仙梯任從天險穿雲度豈是冬巡爲雪迷最喜
山靈却封禪渾無玉檢共金泥
嶽岑元岳萬山宗縹緲天門箭筈通誰遣五丁開聖蹟只
教太乙顯神功靈巖噓氣龍泉水空谷傳聲虎口風泰華
嵩衡堪並峙何須括地較雌雄

恒陰道中曉行望岳

前人

夜色蒼茫曉未分殷殷鐘鼓自天聞崔嵬石壁高齊斗縹
緲祠宮半入雲珪璧出燕光燦爛寶符藏趙瑞氤氳曲陽
此日方崇祀望秩何年考舊文

大同府志

卷之三十一

藝文

二十一

桑乾道中

陳鴻

征程十里見桑乾二月誰憐尙苦寒沃野北來邊地近流
澌東下早春殘風移竹箭穿貂帽雪作楊花點馬鞍旅况
壚頭消不盡琵琶纖指莫教彈

薄暮望雷公山

張徽

地僻林深景閭幽神祠遠在此山陬峯頭鳥去陽光返谷
口龍歸雨氣收隱隱鐘鳴青嶂暮霏霏嵐鎖碧雲秋平城
佳致應推最何日投簪足勝遊

九日陽和臺登高

方逢時

瑟瑟千峯秋氣高登臨有客興偏豪風前瓊玉欣雙倚天

畔壺觴強自勞花影尚能明霧眼歌聲未許薄霜毛年年
慣向龍沙醉回首金門憶賜餽

白登臺懷古

翟鵬

荒臺猶著白登名一望龍沙萬里明尙想精兵圍漢帝翻
憐奇計出陳平雲中烟壘曾鳴鏑塞下山村有廢城顧我
臨風懷古意互笳吹徹暮雲橫

陽和公署

前人

誰道胸中有甲兵金城鐵甕也須營蒙恬古蹟千年遠魏
絳勲名五利宏帳列貔貅多盛壯關屯豺虎謾縱橫投醪
仗鉞皆吾事一夜西風白髮生

大同府志

卷之三十一

藝文

二十二

柳港泛舟

前人

翩翩旌節下雲霄沙漠河流霧氣消座對羽觴浮螳酒棹
隨水磨轉虹橋星軺莅止西陲靖風彩凌空北嶽搖爲備
五兵符在篋伊誰橫槩任逍遙

白登臺懷古

魏大本

疊疊岡巒處處村君王遺跡向誰論戰場一夕圍兵解漢
壘千年故業存流水何心悲往昔浮雲隨意變朝昏獨餘
西北青山好壁立金墉固塞垣

雨中登陽和臺大觀樓

劉餘澤

層霄傑閣儼丹邱爲豁吟眸此勝遊劍吐蓮花邀嶽色笳

吹楊柳動鄉愁河山草樹三雲曉烟雨樓臺萬井秋聖主
無勞西顧切於今方叔壯新猷

雲中秋興

楊一葵

極目蒼茫望夕暉山煙涵樹暮鐘微壯懷不逐黃花瘦尊
酒頻看白鳥飛王帳威行萬里遠綵衣愁共寸心違銅鑊
夜夜鳴荒戍塞上秋高馬正肥

雲中感懷

段敏

月冷邊城鼓角高一燈明滅晃塵袍年來逝水消功業秋
入他鄉改鬢毛報國無能慚廩餼歸家有夢到林臯短章
吟罷渾忘寐俯仰乾坤首重搔

大同府志

卷之三十一

藝文

二十三

題柳港池亭

韓取善

誰鑿崑流傍紫秋柳陰簫鼓汎輕舟響疑風鶴清歌放碧
洗關山宿雨收曳履三雲訝鄭簡封侯一識愧荊州賦詩
釀酒懷偏壯擊楫還過瀚海流

謁大同名宦祠

大父曾按
宣雲祠之

于重華

昔日戎冠按朔方而今猶自凜風霜西臺御史乘驄地東
海于公種德堂接武有人仍憲栢忠文到處是庚桑宮牆
一席眞千載瞻仰流風日月長

題釋迦塔

曾韜

玲瓏峻碧倚蒼穹海宇浮屠第一工百畝址基旋地軸六

層鈴古弄天風觀瞻迥出烟雲外登賞翻從殿腹中幾欲
壯懷發豪興借爲文筆寫長空

過遼沙節度墓

翁應祥

憑高弔古立風前相國先朝事宛然墓有殘碑埋宿草寺
畱遺跡鎖村烟從龍作雨知何日歸鶴乘風又幾年俯仰
滄桑千古是好將消息問山川

秋暮登高有懷

朱雨山
名失考

露冷天高萬里秋孤城獨坐對山樓寒塘四野飛鳧鴈旭
日千村散馬牛紫塞尙畱秦雉堞白登誰益漢戈矛雲中
自古邊垣極夜夜霜笳瀚海頭

大同府志

卷之三十一

藝文

二十四

渾源漫興

石玠

散盡閑雲看好山較來平地十分寬半年匹馬三關外一
夜微霜兩鬢間大火行空無薄暑西風吹客有餘寒來朝
又過桑乾道羞見前村倦鳥還

得勝堡市場

李杜

吹笛關山落日隈幾年曾此得登臺天王有道邊城靜上
相先謀市馬開萬騎雲屯星斗暗三秋霜冷結旄回一從
輿版歸疆索幕下空餘草檄才

遊元都觀

徐琮

東郊旭日影蒼涼步入蓬萊迥異常松護瑤窗晴拂翠花

飛璫圃草生香朝眞羽客騎元鶴奏樂仙童咏紫凰冠蓋
追遊歸去晚烟霞携得滿羅裳

柳港泛舟

吳亮

日磧黃沙曲水通招携暫許過城東迎風柳眼千條綠向
日葵心一半紅見說雲旄來塞下况逢佳節麗天中沐蘭
偏喜孤踪合肯貧罇前酒不空

池亭讌和

徐克讓

輕輿軟徑破烟蕪新雨纔過綠湛湖小坐恍呈濠水趣細
遊猶閱輞川圖獨慙白雪先題壁深喜青雲共接途沙塞
一官殊不俗教人六月坐冰壺

大同府志

卷之三十一

藝文

二十五

秋日飲乾樓

吳伯輿

危樓坐倚暑猶寒千仞高墉絕壁盤山繞塞垣分隊出樹
開營壘接郊寬鏡歌風轉邊庭靜槎客星移幕府看乘輿
誇雄吾作賦談兵誰是舊登壇

題柳港寺

朱充鰲

柳寺城南日午鐘浮圖映帶九芙蓉蓮開上界金長湧屋
結虛樓雲半封雙樹摩空枝借鶴六時翻貝鉢歸龍慈航
彼岸迷烟雨香散蘋花入座穠

秋興四首

王嗣續

搖落清秋萬壑哀蕭條北向望龍堆風來枚嶺迷烟合月

上榆關寶鏡開雲裏雙雕隨箭下天邊候鴈拂霜迴匣中
古劍塵埋久夜夜精光徹斗台

飛狐嶺上暗黃雲趙霸岡前見馬羣名將子孫皆錦袴芳
時樓閣總紅裙城頭旆影晴朝見柝裡秋聲靜夜聞版築
金湯千載績土人每誦郭將軍

北嶽巖巖鎮此邦平明山色滿晴窗秋防戰士擐金甲日
暮材宮醉玉缸扼塞總因專闢壯銷兵應爲築城降可憐
仗鉞王司馬懷遠安邊古少雙

晉陽西北枕邊頭云是當年古冀州曾爲烽塵饒士馬近
因通市靖戈矛藏山春雨程嬰廟汾水秋風漢武舟一線

大同府志

卷之三十一

藝文

二十六

黃河臨廣漠不知何以恃無憂

上蔡中丞

高壁

早從經濟識兵機遠爲朝廷布德威功業滿書麟閣上笑
談坐解蔡州圍風清白羽閒看扇香溢紅雲御賜衣簡在
帝心勞亦久只今虛席待公歸

咏七峯山

王汝濂

平沙漠漠翠屏開勝日邀懽結駟來峯矗似凝珠斗列巖
虛疑抱玉泉迴傳空谷風生洞影亂斜陽鳥下臺獨惜
王喬飛鳥去雙鳧雲斷重低徊

遊覆宿山

郭登庸

雨霽登登石逕分滿身嵐氣鬱氤氳蒼巖古樹高天近平
野孤城落日曛燕冀豪華傷寂寞乾坤時事慨紛紜僊人
每話山中樂畱我東峯臥白雲

過書堂巖爲金進士曹先生隱居講學處

陳 斐

先生樂處孔顏尋舊有書堂聽好音已是文章成甲第况
兼理學耀泉林辭官彭澤羞升斗講道河汾契本心仰止
那堪悲異代歌殘梁木氣森森

上盤驛阻雨

許 銳

山徑崎嶇轉上盤俄經一雨送輕寒千峯似笠愁難合萬
頃如酥惜易乾溜急簷牙垂玉箔滴殘松頂綴珠九今春
漫道風沙惡明日來辭笑眼看

過桑乾河

張 達

幾年不渡桑乾水今日重來二月中萬里洪濤如舊湧一
川積凍未全融浮槎謾擬張騫興悲路何憐阮籍窮我已
無心問津吏閑來風浪看蒼穹

國朝

送李谷愚明府之廣靈

施閨章

素交眼底獨推君古道文章迥不羣家傍清江心共許人
當燕市手重分馬蹄曉踏白登雪雉堞晴看紫塞雲聞近
襄陵多美酒不妨賓主共論文

登應州木塔

曹溶

域內浮圖盡得名崢嶸獨此運斤成廡樓不敵飛輪巧鷲
嶺偏移畫棟輕晝寂爐香歸藻井春晴花雨下金莖徘徊
悟得無生理身在烟霄象外行

上元後五日木塔寺重遊

前人

臨邊淨域喜重登春氣熏人健短藤妙諦本難求色相禪
宮何以託峻嶒倒啣鐵鳳風中鐸遍放金鰲午夜燈曾在
恒峰舒醉眼秋毫百里見觚稜

寄懷左翼宸先生

魏象樞

古貌古心接太初先生久與世情疏霜寒北嶽人無夢雪

大同府志

卷之三十一

藝文

二十八

滿金城飯有蔬絕代行藏三徑菊百年貧病一牀書吾鄉
咫尺高山在欲見無由托鯉魚

甲申闖寇陷兩鎮雲鎮衛撫軍朱兵憲宣鎮朱撫軍

死之

前人

高懸節鉞鎖重闥就義從容報國身關塞千金收死士京
華一臂失儒臣正當首鼠行蛇日不愧攀龍附鳳人三老
忠魂稱鼎足好將生氣護楓宸

甲申闖寇陷兩鎮李生若葵姚生時中死之

前人

二城三烈相傳久更有書生義並聞洋上衣冠懸白日樓

桃葉渡頭秋雨繁
喜君書到黃昏銀濤白馬來
胥口破帽疲驢出鴈門
江左清華惟汝在
文章流別幾人存
曹公橫槊懸相待
共醉飛狐雪夜

賦慈老

并序

徐化溥

塞上一種似鴈非鴈偕鴈
來本草云慈老或言見于
升菴集然字書不遽攷箸
修喙翎毛風來颯颯殊爲
可觀鄰人雷氏買以伺夜
邊翮而羈之每露下風迴
之候啼叫淒哀楚我心曲
輒語以道林故事俗人笑而
不答良可悲也張曲江曰
今我遊冥冥弋者何所慕
斯言愈足佩矣漫賦一弔

大同府志

卷之三十一

藝文

三十

夢破家山繞舊蘿
哀鳴切切叫雲阿蘇卿
去國還鄉晚支遁
開籠失路多九月霜繁
身帶雪五更鐘斷淚成
沱可憐翰羽彫零甚
難伴飛鴻遠塞過

興雲橋二首

前人

城頭鼓角動寒光
東跨河流星影長
戰後沙平黃鵠斷
濤回秋老水犀僵
標銅漢使開南服
圖畧營平壯古滄
一自雙虹垂遠岸
石梁長鎖萬年疆
萬雉巖巖俯石鼉
誰教一蟻潰衝波
輿臺授指羣材屈
磬鼓鳩工衆力多
沙磧臨風飛鐵騎
柳堤映月走金梭
濤分遠漲寒流靜
漢武空勞瓠子歌

大勝甸

前人

沙磧鄰鄰塞草零孤城東望戰場平從來鐵甲兼黃石謾
道泥九杜紫荊萬折蒼山蛇陣遠一天霜羽鶴風驚曠懷
往事欷歔久何處霜笳起暮聲

雲岡佛閣

王度

聳峯危閣與天齊俯瞰塵寰處處低億萬化身開絕嶂三
千法界作丹梯乾坤再闢雷初奮海岳重光月指迷我欲
凌虛朝玉陛好從靈鷲問金泥

遊恒山

前人

方岳時巡昉帝虞恒山不盡我皇圖曲陽大茂疑今古

大同府志

卷之三十一

藝文

三十一

飛石靈泉事有無萬仞晴光開隻眼千巖爽氣掖雙鳧低
回大禮維天柱望祀還須睿聖謨

陽和署中新秋

南洙源

簾捲新晴見月華銀河淺淡影初斜老梧搖葉寒風細哀
鴈穿雲去路賒才愧歐陽羞作賦心同宋玉但思家閑堦
扶杖清宵立萬木蕭蕭引暮笳

石佛寺

王儀

千仞孤峯百尺樓雲天高並兩悠悠西秦風雨當軒夢北
魏烟嵐半偈收更有寒山支介石豈無輪海泛虛舟遠鷗
獨立坡沙淺分得尋常幾點秋

興雲橋二首

馮雲驤

百尺飛梁駕古鼉嵯峨鐵柱砥驚
沉來白馬沙堤古跨
去青羊異跡多兩岸松杉分野色
五更濤浪走雷梭何人
一采芙蓉贈徙倚聊爲白石歌

倚欄縹緲俯流光鞭石飛來雲臥長
水樹萬年靈鵲集風
雷一夜老蛟僵戍烟遙捲奔濤壯
沙月孤懸倒影黃形勝
古今終不改金繩玉柱鞏邊疆

恒嶽詩二十二首

前人

嵯峨恒嶽倚長空珠樹玲瓏繞玉宮
白鶴彩鸞紛照耀朱
霞飛雨落空濛仙亭泉瀑三天雨
虎谷松吟萬壑風回首

大同府志

卷之三十一

藝文

三十一

塞垣看不極沙場縹緲一歸鴻

石壇瑤草接唘笏紫閣神樓對曉霞
何處空林聞浩嘯更
看香水泛胡麻燒金羽客調元鶴
採藥山童飼白鴉一枕
松風仙夢遠人間迴首夕陽斜

白雲堂下雨絲絲我欲長鑱學采芝
玉洞春深花發後石
樓秋冷月來時空山寂歷堪聞道
獨立蒼茫合詠詩讀罷
殘碑天又晚歸來跨鹿夜遲遲

望仙亭上喚羣仙鶴駕龍車更儼然
萬里邊風吹夜月連
山松影插遙天當年曾授金光草
此日長歌白石篇忽訝
雲霞生左右輕身碧落好飛鸞

急雨驚雷大壑秋飛蛟挾霧起啾啾乍聞天樂飄金瓦時
有神燈掛石樓 嶠萬年拔地軸威尊千里奠雲州我來
長嘯耽奇勝扣劍飄蕭此壯遊

驚看大地莽徘徊此日登臨萬古臺不盡塞雲鴻鴈度無
邊秋色大河來平臨畫壁開靈府下望黃沙舊戰垓仙樹
流雲紛蕩漾何人彩筆倚雄材

紫芝谷口芝田老幽徑苔斑草半荒怪石滿崖風颯颯野
雲無路水湯湯樵 半伐遙天碧僧杖平分夕照黃我欲
求仙尋大藥誅茅此地構閒堂

銀沙杳眇白龍蟠舊雪陰風六月寒錦石千盤迴爛熳穠
大同府志 卷之三十一 藝文 三十三
花萬樹倚琅玕燈光閃閃明虛壁僧話嘈嘈隔急湍賴有
靈文畱我讀好從古洞發奇觀

翠雪亭前疑海濤萬松風起掣飛鼇孤懸杖履愁難立揮
手星辰欲並高殘碣讀來愁漉滅洞蕭吹罷倚清豪平生
不淺奮飛志萬里何當駕羽毛

村疋賽罷望靈旗燭影花旗縹緲時仙去萬年傳白蝠神
歸五夜駕青螭虛堂 霧霏霏續石洞流雲裊裊垂更有
琴臺蹤跡在老僧指點至今疑

威靈岳廟震飛鐘天 珠樓十二重曲徑幽蘭垂雨露當
門老木傲秋冬山魈 眼衣蘿笑毛女紅顏採藥逢徙倚

已將塵世隔高歌直欲扣長松

逍遙曳杖踏雲行到此羈愁一望輕金殿松杉畱慘淡玉
泉沙石映空明長歌石上秋風急踞坐峯頭海日生誰向
齊州辨九點曠觀天地莽縱橫

黑帝祠前太古壇無邊秋色下青鸞靈文時有風雲起丹
竈空畱日月寒落落長松垂積翠蕭蕭神草長闌干竦身
忽訝天都近北斗光芒掛袖看

玉塞龍堆擁大荒獨看元岳鎮遐方危峯過鴈來秋色萬
里黃沙散夕陽勾 迢遙野望迥桑乾縹緲水雲蒼只今
禹跡依然在寶篆威文閱古牆

大同府志

卷之三十一

藝文

三十四

奇峯削壁倚嵯峨詞客孤筇此日過燕壁多年沉瑞玉趙
符古地問干戈危厓急雨飛流折大壑清秋落木多朔野
從來爭戰地獨教靈境敞雲蘿

茅庵老衲解棲遲手種青松成古枝峽險風來天欲立瀑
高雨過月看垂叅禪自合依元谷辟穀還堪餌石脂習靜
幾年人不到夢回蕉鹿已多時

曾聞仙客此休糧玉竈金泥鍊夕陽一自元都雲鶴返至
今古洞藥苗香石泉晶晶朝光動楓葉蕭蕭夜色涼萬壑
風聲吹未歇常疑天樂度瓊琅

十年回首塵中夢此日蕭疎拜洞天石鏡月華明玉戶翠

屏霞影照仙田方池不涸龜存壽老木長春鶴記年手弄
金鵝還一笑臨風朗誦古苔篇

長風不斷捲清寒欲借仙琴試一彈深洞雲泉松籟勁遙
天花雨鶴翎殘碧簫紫閣春縹緲絳雪元臺路渺漫閒倚
夕陽巖上樹高垂松栢影丸丸

飛樓古殿敞陰陰清夜高秋試一臨白鳥棲枝雲淡蕩黑
熊歸館日蕭森看山此日開竒夢弔古應爲發苦吟漢武
旌旗何處問霜華寒葉滿疎林

浩浩奇懷頻悵望一峯數峯爭晦晴翠崖丹壑紛改色瀑
泉古澗各爲聲冷署幾年聊幽探塵事終許謝浮名獨夜
大同府志

卷之三十一

藝文

三十五

古祠更清肅隔林月出野猿鳴

萬仞岩堯俯塞垣連山千里拱兒孫奔雲突兀獫狁嘯古
壁豁訝虎豹蹲老木蒼蒼圍野廟桃花冉冉自孤村更知
北帝威靈肅父老秋風拜石門

恒山紀事二首

前人

虛堂神鬼此躩踞元岳盤桓認斷碑誰使曲陽紛祭祀從
教漢武錯旌旗金泥玉檢千秋典錦樹仙臺萬古奇一自
秩宗釐正後翠華縹緲望邊陲

仙郎一疏奏明光天上金書賁朔方遂令名山新大典長
留靈氣護巖疆花幡翼翼紅雲近芝草翻翻白日長誰是

登高能賦者好從古地勒鴻章

三雲感舊

前人

黃雲如旆掛城頭不斷陰風紫塞秋
落落殘碑沉野路蕭蕭衰葉響沙洲
清霜如夢金蠶冷淡月無情玉腕愁腸斷
縱橫百戰後古魂縹緲聚荒邱

雲中秋日八首

前人

霜風昨夜感秋聲獨客徘徊驚旅情
黃柳幾枝臨古道白沙十里繞孤城
野猿坐嘯殘霞迴烟鳥低飛落日輕
疎散欲將人事絕閒心吾已謝時名

浩浩驚沙四野來彎弓夜上李陵臺
寒花滿地清霜重飛

大同府志

卷之三十一

藝文

三十六

草粘天畫角哀賽罷神燈明雀瓦戰餘鬼火照龍堆
百年詞客重過此弔古長歌獨馬廻

大漠蒼茫望轉迷無邊衰草野雲低
孤臺突兀聞猿嘯怪石縱橫印虎蹄
寂寂青山看近遠飛飛紅葉自東西
古王尚有遺宮在瑤瑟銀箏盡土泥

錦帳貂裘紫橐駝將軍射獵過
渾河幾聲蘆管悲風起十丈紅旗秋色多
手解縑鷹臨大漠目追野馬踏山阿
昔年此地曾征戍指點沉沙認斷戈

李牧祠堂接鴈門青山萬仞古臺尊
龍蛇古壁秋雲暗劍戟虛廊夜月昏
千載風烟銷舊壘異時松柏老孤根
迢遙

玉塞憑高望過客還來薦野藜

秋陰慘澹菊花黃遊子登高望故鄉獨夜清霜驚旅夢山
城明月搗寒裳好閒不用憐貧病任達從來愛酒狂極目
平原天地迥碧雲鴻鴈兩茫茫

曾識平城古戰場沙田無數列牛羊松枝撼撼凝烟黑鳥
語啾啾落月黃邊塞昔時勤將帥山川異代感興亡哀歌
未斷秋風起徙倚頻看鴈影長

世事空憐去日多酒酣白眼一悲歌徘徊秋色誰能那寥
落孤心近若何肅肅斷鴻迷古塞飄飄殘蝶戀寒柯浮雲
富貴無須問欲訪南山舊薜蘿

大同府志

卷之三十一

藝文

三十七

重至大同

顧絳

頻年落落事孤征每到邊原一寄情馬跡未能追穆后虎
頭空自相班生風吹白草桑乾岸月照黃沙盛樂城忽見
丹青意惆悵君看曹霸重才名

桑乾野漲

沈會霖

一官無日不征鞍野色蕭蕭晝影殘地是中原關吏撤天
仍荒塞暮烟寒雨纒山半先成霰水至春還始下灘但聽
濤聲心已折那堪羸馬渡桑乾

遊覺山寺

宋起鳳

空山古剎是何年野老相傳北魏前世遠已無棲佛閣鶴

來猶有養僧田千年塔韻虛鈴鐸萬壑雷聲滾瀑泉坐久
天風吹欲去漫將濁酒壯行鞭

遊覺山寺觀杏二首

何士震

大覺名山北魏題同人逸興試攀躋峯回疊嶂嵐光合澗
落深巖谷口迷旛影靜時紅杏出旃香飄處白雲齊千年
遺跡堪凭眺塔井徘徊日已西

古刹盤桓歷廢興閒尋老衲問傳燈三千界已歸何有五
百僧曾得幾能清磬松濤聞秘密孤筇花雨見峻嶒試看
爛熳林間樹隔斷紅塵便上層

送張仲若大司馬開府雲中二首

梁清標

大同府志

卷之三十一

藝文

三十八

元戎小隊擁雙旌貴相星同上將明玉笛晚吹青海戍秋
霜先下受降城逍遙叔子看裘帶譚笑希文有甲兵莫道
封侯論骨相如今軍旅仗書生

虎符佩出未央宮兩袖翩翩識素風饗土轅門沉畫角行
邊俠少避青駿尙書履接星辰近太乙光連海嶽雄紫塞
卽看閒斥堠須知魏尙在雲中

登律呂祠懷鳳凰山古蹟

桂敬順

蒼祠高倚鳳山巔有客穿雲不問禪自古登臨凡幾輩祇
今絃誦想當年長風彷彿蘇門嘯靈竇疑通太白泉却笑
農人強解事扶藜指點說神仙

己卯冬日奉使恒岳畱別桂介軒刺史

秦大士

輶軒塞草路蒼茫忽接神君話故鄉千里歲寒歡執手五
年江表記登堂岳靈禱應隨車雨谷暖春迴蔽野棠異政
已看書上考慚無遷筆傳循良

大同

史正義

往蹟茫茫未盡湮撫今追昔獨傷神六卿專國三分晉萬
里爲城二世秦櫪下馬嘶懷伯樂渡頭水涸弔津人誰憐
冀北飄零客又見明妃塚草新

大同懷古

張五典

大同府志

卷之三十一

藝文

三十九

勢抱重關控極邊漢家亭障舊相連中郎使節蘇卿老太
守聲施魏尙賢秋到白登山沒雪春深青塚草生煙何人
識得銅牌鹿應記元封出塞年

秋日登佛宮寺木塔二首

吳炯

木塔峻嶒造化工振衣絕頂俯飛鴻渾河近湧秋濤白恒
岳遙啣日影紅雲漢人題遼代石桑榆僧指晉王宮荒沉
舊蹟依稀在禾黍西風梵刹雄

赤磧黃砂幾變遷凭欄眺望渺無邊雲中城郭千家雨代
北牛羊萬壑烟隱躍星辰高可摘悠揚鐘磬響空懸奇觀
峻極前朝字剝落塵埃賸紀年

辛卯春暮大同郡齋同王柏崖作 團昇

花飛草長竟何曾節候邊關迥莫應已暖寒威重瑟縮未
風雲氣蚤瞢騰更無大澤尋蘇武賸有荒臺說李陵我自
鄉思消不得阿誰扶杖一同登

登大同城 前人

沙礫橫飛日色曛昔年中外此區分巖花澗草幾經見春
燕秋鴻都罕聞勝蹟尙傳遼太后威名誰念李將軍悶來
閒倚城頭立千里鄉關空暮雲

雲岡寺二首 胡天游

萬三千寺無遺跡片石崔嵬影尙留紺髮寶支開絕壁銀

大同府志 卷之三十一 藝文 四十

雲涼瓦自高樓疎鐘帶月搖清塞雙樹含風入早秋劫換
塵移人世改諸天定裡不知愁

寺門紅透夕陽西一片灘聲送馬蹄野客定難攜屐到山
禽猶自戀人啼安禪未穩身將老絕塞經過意欲迷拂掠
翠微吟興在珊珊鞭影逐風低

鎮樓秋眺 吳麟

郡城西北有高樓此日登臨爽氣浮四望河山連朔漠一
天風露倚清秋邊疆自昔營屯重則壤於今黍稷稠烟火
萬家民俗厚愧無三異繼中牟

雷公山謁潤濟侯廟 前人

輕雷起處古龍湫山勢盤盤接武周花發野壇烟正煖波
涵老樹翠環流荒碑篆筆何年記沛雨靈風盡日浮塞北
由來叨潤濟故應岳瀆視公侯

自太師莊抵三十里舖

李廷儀

一帶山垣儼畫圖採樵絕壁野人呼沙明兩岸河流細風
捲長堤樹影枯僧背夕陽歸古寺鳥隨殘葉下平蕪馬蹄
蹀躞歸來晚却望城樓夜月孤

始至大同贈吳冲菴太守

張開東

治廉循最數吳公京國山川右翊雄地向南江浮彩鷁天
迴北嶽照花驄羸秦蒼莽開邊郡元魏蕭條問故宮每爲
游人勞顧盼輕車今得入雲中

大同府志

卷之三十一

藝文

四十一

九日登雲岡

劉卓

雲中已是絕人攀况復雲岡山上山玉宇肅清鷹奮遠元
霜搗盡鴈飛還曇飄花雨香初散石琢阿羅髻帶斑強欲
登高來絕頂不堪回首望鄉關

書黃烈婦吳氏傳後

前人

千古黃家節烈門肯將一死答夫恩使君有婦徒相逼賤
妾何聊得苟存芳魂不隨剛刃朽撮抔難洩覆盆冤至今
紫塞淒涼月猶照當年碧血痕

三皇墓

李養本

浩劫還餘尺土封雲車羽駕問荒蹤鴻濛頓闢三才位渾
噩從開萬古胸白草黃沙埋斷瓦孤村寒樹背高墉圖經
指點傳疑處落日烟霏咽暮鐘

王家園觀杏花

邢纘祖

杏花深處幾家村繡野層層密蔭屯夾岸紅雲遮柳眼封
條白雪妬梅魂西巖雨氣迷芳徑十里河光漾錦痕絕塞
謾嗟春色少昔人曾此播靈根

壺泉寺

宋 瑞

翠結蓮峯擁紺園玲瓏歎薄濬壺源苔涵草色平鋪野雲
罨嵐輝遠到門魚鳥親人濠濮想菰蒲夾岸水烟痕忘機

大同府志

卷之三十一

藝文

四十二

証徹空明影擬共山僧物外論

中秋讌集載月軒拈韻偕同人作

錢 棨

萬斛珠光杯底來天風扶我上瑤臺九霄鸞鶴笙吹起四
塞山河鏡湧開清嘯幾聲秋莽盪高寒無際影徘徊人間
此夕霓裳詠定有仙雲五色裁

應州官署贈蔣濟之赴天鎮

前 人

壯歲辭家萬里遊車輪馬足更扁舟携來瘴雨蠻烟夢併
入榆關紫塞秋濟之由
粵抵晉九月邊城飛朔雪中宵官閣冷征
裘聞君又向桑乾北咫尺離踪兩地愁

鴈門關外口占

宋 梅

鴈門關外路悠悠，
輾轉風塵去未休。
萬里空濛渾似海，
三庚颯爽鎮如秋。
荒原白草添新恨，
落日黃雲記古愁。
不醉金波山店酒，
教人無計客并州。

秋日雲中

前人

浩浩平沙苜蓿肥，
朔風騷屑透征衣。
秋涼罷逐殘蟬噪，
秋涼

形如蟬差大聲亦如蟬差促
慈老爭隨候鴈飛，
慈老似鴈非鴈偕鴈往來
廢壘荒雲

迷古堞，離亭衰柳送斜暉。
城頭畫角聲悲壯，
正美蓴鱸未得歸。

邊牆

前人

邊牆一望景蕭條，
萬里無痕天沏寥。
人在他鄉愁易動，
山

大同府志

卷之三十一 藝文

四十三

含宿雨，翠難描。
清秋鴈陣傳書迥，
隔院砧聲入夢遙。
懷抱欲開開未得，
潘郎那免鬢刁騷。

簡恒山院長韓璞園

楊謨

枕藉史荷陶鎔負笈真，
誇錦繡重弟子由來。
汾水派先生本是泰山宗，
堂開嶽色歡移榼，
座滿春風待叩鐘。
更有主人青眼在，
不妨老矣尚孤踪。

出鴈門

朱建豐

匝月遄征迭往還，
驅車又出鴈門關。
雲橫仍爾凝樓碧，
林醉添多落葉斑。
挾纈寒催砧杵急，
納禾秋報峻農閒。
更餘絕勝經過處，
泥濘愁深暮雨潺。

入鴈門時方阻雨

雲中道上

俞治

萬里邊城擁朔垓長風晴捲暮雲開羣山陡向龍堆落驛
騎飛從鴈塞來夜雨暗滋青塚草寒烟愁鎖白登臺無端
亦作并州客賈島詩成首重回

郡齋卽事

前人

南薰細細隔簾生午夢初回客思清獨譜楸枰消永晝閒
刪詩稿坐深更雲中六月全無暑塞外終朝不易晴

抵雲
三月

無日不
風雨涼意滿天侵瘦骨夾衣先覺未秋輕

郡齋秋夜

前人

寒蟬昔昔鴈年年孤館殘燈耳不眠官廨柝聲催五夜鎮

大同府志

卷之三十一

藝文

四十四

樓刁斗靖三邊鄉心易動臨風杵客夢難圓苦雨天越鳥
羈棲終未穩擁衾愁待曉鐘傳

雲中郡試

文光

郡衙日永綠成陰多士如雲盡鄧林孔思周情通脉脉班
香宋艷息深深公門桃李他年事藥籠參苓此日心莫以
冬烘迷五色欲傳衣鉢到而今

中秋夜郡齋讌集

前人

秋色平分問素娥郡齋讌集夜如何袁宏渚上清光滿庾
亮樓中逸興多接座賓朋逢大戶登場絃索度新歌莫辭
銀箭催殘漏且醉瓊酥金叵羅

黃烈婦祠二首

前人

使君漁色扇淫風下體閨房節操同畢命霜刀驚野鴨埋
冤夜壑弔秋虫當堦草色含愁綠接座花枝帶恨紅應有
貞魂長太息靈旗搖颺月瞳朧

古屋豐碑烈婦祠青衣更不愧鬢眉名垂地老天荒後春
憶紅殘翠碎時冉冉雲軒歸月姊珊珊環珮馭風姨 聖
朝雅重冰霜操會見 恩綸降玉墀

初莅應州有作

陸元鼎

清風薄宦寄遐方萬里邊城古塞鄉地僻真堪容我拙年
豐猶喜見民康神遊玉壘雲生采夢憶河陽花正芳馳逐
大同府志 卷之三十一 藝文 四十五
風塵懷往蹟旬宣何以媿甘棠

五言排律

唐 恒岳晨望有懷

李 夔

二儀均四序五嶽分九州靈造良難測神功匪易酬恒山
北臨岱秀嶠東跨幽瀕洞鎮河朔嵯峨冠嵩邱裡祠彰舊
典壇廟列平疇古樹侵雲密飛泉界道流從官叨佐理銜
命奉珍饈薦玉申誠效鏘金諒有由郊原照初日林薄委
徂秋塞近風聲厲川長霧氣收他鄉饒感激歸望切祈求
景福如光願私門當復侯

金 謁北嶽

趙秉文

四大神儀一羣山大茂尊奠方荒冀宅視禮配天孫西送
虞淵莫東瞻碣石噉寶符臨代郡鐵甕扼并門控趙襟形
壯環燕氣象渾九河探禹跡萬里叫虞魂在昔登封始前
驅羽衛繁千官駢部曲萬騎隘山樊卜地恒陽曲移祠泰
始元荒碑刊歲月飛石重柴燔帝秩加黃屋宮居象紫垣
雲楣朽芝瑞雨砌裂槐根天業恢宏大山靈翊衛屯雲烟
浮近甸日月遶中原秩謁天香重封題御署存銀繆諸產
富電雨萬靈奔神聽歆嘉德天聰納正言許身徒稷契無
術補羲軒帝錄長桑洞仙巖張果村卜居如可近重整北
山轅

大同府志

卷之三十一

藝文

四十六

元 送仲常遊北岳

劉 因

大茂元都闕它山拱萬靈風霆凜神化河海盡襟形昂畢
空畱影幽并未了青追封王制變列祀禮裡馨禮樂心雖
切烟霞骨有銘長懷七十戶爲我謝仙扃

明 寄王侍御塞上

謝 榛

君王重簡命爾志在寅清節鉞分西顧風寒護北征羽旗
風外合驄馬雪中行直渡桑乾水還臨驃騎營九關多猛
士百戰有長城夜半仍傳檄天寒未解兵黑山橫寶劍青
海動金鉦獨仗安邊策兼收抗疏名虛心當國事高議見
儒生 歲思銘鼎空言陋請纓乘秋凌朔氣計日答皇情

應遣龍庭使馳書到玉京

題鎮城西北樓

李柄

重鎮臨元岳名城正朔宮危樓峙西北飛棟接穹窿日湧
神京現天開大漠空黃河遙浩淼灑水近冲融百雉旌旗
肅三關鼓角通睥睨千騎整磴道九遠同自昔嚴刁斗粟
朝息戰功堠烽分障謐貔虎備邊雄坐運陳平策時頒魏
絳鐘憑欄舒灑興飲御咏和衷地互金湯固門扃鎖鑰崇
壯猷方叔在膚碩頌元公

國朝
雲岡寺讌集

曹溶

邀客坐平沙塞陰半雪花梅檀羅十寺磬筦幻三車堤柳

大同府志

卷之三十一

藝文

四十七

飄金梵風毛印玉砂野清圍列騎徑曲隱吹笳石鼓喧霄
漢冰泉礪齒牙法幢隨霧雨寶座卽唵訝佛國遊堪借軍
容靜不譁遙天開帟幕中席進琵琶鼎沸親煎茗盤空映
削瓜興餘攀鐵鎖深處乞胡麻醒酒穿林麓貪懽置綱罝
鏑聲鳴餓虎矛影散秋蛇未礙西來法聊舒遠放嗟古今
人孰在銘刻意徒奢水遶孤城直山分大漠斜要荒齊奉
版駝馬各歸家境勝酬官冷閒多緩髻華敝裘親鬣黷彩
筆付兼葭當軾懸捎兔移燈照晚鴉碧雲猶徙倚不信出
塵賒

題吳石亭明府春遊口泉圖

郎克謙

邊方儲勝地政暇騁遊觀載酒來三異尋春得二難巖腰
泉倒掛谷口樹橫攢嫩綠帷青嶂輕紅映碧湍紆迴穿徑
窈轉折入林寬躡屐登煙岫披襟坐石巒花香侵綺席浪
影漾雕鞍檢韻咸抽思擎盃各盡歡勤民詢父老愛士集
衣冠澗曲停車處欣從畫上看

登恒岳

白維世

冀北開名岳紆盤鴈塞東星精占昴畢易象叶雷風舜典
冬巡重皇王秩祀隆參天摩斗極拔地闢鴻濛奠定撐河
海明威等華嵩千峯皆拱伏萬壑自流通縹緲雲梯近參
差廟貌崇洞畱仙蹟異巖映夕陽紅虎口飈常發龍泉味

大同府志

卷之三十一

藝文

四十八

不同石脂圖爛熳靈穴氣冲融笙鶴鳴霄漢琴臺倚巖穹
蒼松枝鬱鬱古栢葉葱葱蘚潔滋甘露蘿懸掛采虹紫芝
香霧靄神草翠烟籠採藥依芳谷尋花轉茂叢登臨舒夙
願嘯傲達幽衷度險途彌曲升高徑屢蒙雲深聞吠犬嶺
峻怯飛鴻極目仍懷古高吟欲撼空代符藏隱約燕璧顯
玲瓏寶籙徵宏景仙經補石公未逢青眼客旋遇白頭翁
指點桃源路鋪成造化功試看回首處華月正朧朧

七言排律

國朝
恒山

史正義

疊巘層巒接太行重華輯瑞此山陽元樞上應居坤位恒

德遐敷鎮冀方古樂人思虞典禮殘碑苔蝕漢文章披雲
盤曲琴臺外舍策低回貝闕傍殿角晴搖紅日近松根晚
挹紫芝香暫遊靈境緣非易欲買青山夢未忘玉檢金泥
藏秘室碧桃瑤草發孤芳谷深冷貯千年雪巖迥寒飛六
月霜動地雄風生虎口臨空仄徑勝羊腸輿圖東接幽燕
遠氣勢西吞代朔長飛石譌傳嗟往歲爲霖仰賴潤邊疆
何時携取油囊酒來會羣仙泛羽觴

五言絕

國朝
重遊懸空寺

魏象樞

溪聲接梵音石竇封瑤草我尋舊日僧山門猶未掃

大同府志

卷之三十一

藝文

四十九

太白山

馮如京

太白立羣峯天都窺巒嶂長松四時秋陰崖萬古雪

雲中道上

邵嗣堯

曲折山城道龍鍾病裏身征夫問前路一日不逢人

送盛郎之大同二首

吳雯

雪北風寒別筵不知曙梅花此地深何事雲中去

勿惜醉愁看長短亭如何別太遽不待柳條青

靈邱雜詠八首

岳宏譽

來何遲去時亦太早新巢接舊巢相見殊草草

牡丹芍藥種絕嘉開時紅爛熳不減牡丹花

閒青青初見柳桃花並李花總在穀雨後
多顏色倍常好能爲百日紅令我開懷抱
月時亦見雪花白何但深山冰六月厚千尺
地花臺山雨後摘雲中近五臺餘馨滿山澤
多穴居雞棲反升屋牛羊住上窟人在下窟宿
枝頭結酸酸亦可憐兒童著意採不忍道旁捐

靈邱卽事五絕

何士震

春暮臨荒臺瞥見新草色離人三月心躑躅還嘆息
江南楊柳枝春風繫行客塞北惟槎枒穀雨稊始白
占歲喜春晴此地偏宜雪願得雪盈尺概糜飽稚耄

大同府志

卷之三十一

藝文

五十

有花亦無香芍藥遂奇絕馥馥翻堦時多是天中節
男歲不製衣女歲不緝織堵墅六月三傾囊售百億

鳳山書院十二詠

并序

桂敬順

書院前明州人孫司務聰所建蹟廢已久谿石猶存然
撫今追往流風自在又不繫乎蹟之存亡也爰賦詩以
述著名之意

鳳來山中鳴鳳去山以寂不見亭中人斜陽挂蘿壁

鳳鳴亭

飛鳥破山色空翠墮巖雨杳然聞磬聲松檐竄蒼鼠

翠微樓

明月在天上流光輝我軒捲簾坐遙夜所得是無言

得月軒

讀書秋圃間秋心屏閒慮黃蝶漫相過香在無花處

秋香圃

鑿石構石室幽函闕前筆白雲垂孤巖秋光照古漆窟藏書

古洞白雲封山月東巖起松籟和樵歌琴聲在流水洞鼓琴

昔人聊寄興人去有餘情葉墜空臺響猶疑落子聲奕棋臺

山居復釣溪無餌亦可喜游魚乃竊聽先生讀莊子釣魚磯

碧竇何璣瓏塵跡屏齷齪乃笑箕山姿枉被巢由濁碧水寶

彩雲如處子顏色常新鮮將母媧黃氏煉石畱空烟彩雲巖

碧波隱紅鱗可見不可得曾傍臨池人鰓間漬餘黑金魚塘

蓮性亦何芳花殘葉自香從君製衣服不肯葢鴛鴦瑞蓮池

恒山詩十二首

張五典

水月搖戒壇嵐烟浮坐具徧地金蓮花依依拱扶住懸空寺

大同府志

卷之三十一

藝文

五十一

版屋跨溪流水磨自迴轉秋漲來無時山南築石堰涖水

上有千仞岡下有百尺澗行人出復沒冰雪連雲棧盤道

仙人在何許可望不可即行行采茯苓相見會相識望仙亭

清曉入山來支筇此延佇傍夜雨冥冥人歸把兩炬虎風口

泫泫青瑤流滴殘色未改旦暮五百年掬食亦可待石脂圖

但來對空枰與度千百劫迴看四山中穠花復黃葉琴棋臺

空響本無樹樵斧霜林外聞根近已斷入耳祇天籟空響樹

安禪老衲子雪巖敞石竇木客解吟詩寒燈許來就護門草

共說無常住飛去挾風雷移文試相問何日又飛來飛石窟

山頭過片雲殘日翳復吐樵子暮歸來方知山下雨夕陽嶺

欲問通元谷悵望白雲岑細路荆榛合蹇然少足音

通元谷

春暮府庠讀文徵明石刻長句會遊東郭卽景賦詩

因集字爲二絕

邢纘祖

晚雨千林濕春濤萬頃明遠山雲半隱宛轉隔層城

春深風雨時澗流浸萬壑我欲身遊處青山盤雲落

宿綉女村

宋梅

征途倦行役一抹晚山痕借問宿何處前村綉女村

白登懷古二首

文光

振衣小白登落日前山暮欲覓漢高圍茫茫墮烟霧

興廢前朝事臺荒鹿苑空惟餘衰草白懷古意何窮

大同府志

卷之三十一

藝文

五十二

七言絕

唐 渡桑乾河

雍陶

南客豈曾諳塞北年年唯見鴈飛回今朝忽渡桑乾水不似身來似夢來

渡桑乾河

賈島

客舍并州已十霜歸心日夜憶咸陽無端更渡桑乾水却望并州是故鄉

摩笄山

胡曾

春草綿綿代日低山邊立馬看摩笄黃鶯也解追前事來向夫人死處啼

金
八月十五日過泥河見鴈

王庭筠

家在孤雲落照間
行人已上鴈門關
憑君爲報平安信
才是雲中第一山

北園

劉從益

碧梧斜影落匡牀
白葛烏巾滿意涼
宴坐不知紅日晚
箏輿歸路麥花香

西京道中

蔡松年

來時綠水稻如鍼
歸日青梢沒鶴深
莫忘共山買田約
藕花相間柳陰陰

山陰縣

史肅

大同府志

卷之三十一

藝文

五十三

湧雲驅雨不成霖
山徑危行未要深
午夢初回烏鳥樂
小亭斜日柳陰陰

過鴈門關二絕

元好問

雞聲未動發南樓
澗水隨人向北流
欲望讀書山遠近
鴈門關上懶回頭

稜層石磴倚高梯
穹谷無人綠樹齊
總爲古來征戍苦
宿雲常傍塞垣低

題金鳳井

前人

此地曾云海眼開
古今人喜暢奇哉
料應丹穴相穿透
飛出摩天金鳳來

題龍泉寺

前人

遠渠寒溜夜潺潺說有蛟龍在此間可惜九天霖雨物一
泐何事伴僧閑

三岡四鎮

前人

南北東西俱有名三岡四鎮護金城古來險阻邊陲地威
鎮遐方萬里驚

沙陀晚行

曹之謙

野曠天晴落日黃西風衰草白茫茫臨邊四望行人絕惟
見孤雲逐鴈行

自題小齋

雷發

大同府志

卷之三十一

藝文

五十四

陋室從堪陋巷居寄情吾亦愛吾廬看山破費工夫外一
炷清香著易書

元
雲中暮雨

段成已

古壘雲藏一徑微河山依舊昔人非貪徵往古興亡事不
覺城頭雨濕衣

題李晉王墓

李俊民

雄名凜凜震沙陀爲國功深奈老何多少三垂岡上恨伶
人那進百年歌

明
雙化嶺

王達善

樺樹亭亭立澗隈兩僧遺跡已成灰夜深風響巖前葉疑

是雙筇步月來

渡桑乾

前人

三月清冰潔似銀黃沙兩岸不知津可憐一片無情地水亦年年解渡人

春暮石牆堦送別

岳可

客裏攜樽坐水涯竹籬茅舍兩三家春光莫道邊城少也有沙堤幾樹花

西巖寺南園

朱統鯨

寶地新開一徑斜橫窓修竹映桃花攜壺自汲東林水玉碗閒烹綠乳茶

大同府志

卷之三十一

藝文

五十五

題南堂寺

左鉦

南堂福地足遨遊住此烟霞勢利休一自高僧辭去後空餘瓴甃野花秋

雲中守歲

前人

守歲雲中剪燭花坐殘更漏興猶賒土牛明日開華節春滿雲中十萬家

行邊

方日乾

山城禾稼萬家秋豐葦斜陽飽臥牛野老不愁烽燧警預修春耜理春疇

國朝
望應州塔

魏象樞

十里烟雲一望通浮圖如削插長空何年種得菩提子幻
出金蓮大地中

題大同觀音寺梅二首

徐化溥

誰把羅浮向此移清芬禪味兩相宜便當攜手趙松雪來
訪中峯百韻詩

晚瀉軍持灌玉芳蚤傳春信到禪房絕塵應少繁花色入
定偏來自在香

千穗穀

杜登春

紅酣紫靦鬪芳辰千穗名傳穀粒勻剪去作羹柔滑甚秋
來何必更思蓴

大同府志

卷之三十一

藝文

五十六

琴棋臺

劉仕偉

琴棋臺畔已榛荒琴韻棋聲兩渺茫羅列諸峯鳴澗水楸
枰布置五絃傍

復至下華嚴寺

前人

城上寒鴉入暮曛萬家烟火氣網緼歸來仍到華嚴寺帶
得方山一片雲

太白祠

鄧贊清

磁甕峽口影迷離太白仙祠枕碧溪爲拂壯觀崖上字曠
懷知與白雲齊

將抵大同途次口占

宋梅

路入雲中似仰梯碧天無際馬頻嘶分明望裏前山峻及
至前山山又低

守歲吟

朱建豐

歲守華燈廿載前一編蟬蠹舊因緣當筵爲溯重來迹屈
指雲中又十年

金城元夕二首

錢 棨

蒲桃香泛夜光杯簾幙春燈新樣裁疑是珠宮擎蕊榜有
人題柱月中來

麴塵細細蹴金堤賽女蠻童小隊齊春信江南何處好今
宵忽度鴈門西

大同府志

卷之三十一

藝文

五十七

過桑乾渡

俞 治

三晉雲山北向多十年浪迹度沙陀自憐南國孤飛鴈又
到桑乾渡口河

雲中九日

前 人

重陽時節好題糕客裏逢場亦自豪縱目雲中山第一望
鄉臺上未爲高

大同府志卷之三十一終

